



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 152. Sessio II. Concilii Constantiensis.

---

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

*Sessio secunda Concilii Constantiensis.*

Duo hæc verba: *Voveo & juro*, in hac Labbe Col-  
formula desiderabantur, cum in Con-  
ventu Franciscanorum die vigesima se-  
ptima Februarii lecta atque approbata  
fuiſſet. Sequenti tamen die hæc ipsa  
verba a Parisiensis Academiae Deputatis  
addita, atque omnium plausu acceptata  
fuere, Benedicto Gentiano, qui ex illis  
unus erat, hujus additionis causas ex-  
ponente. Ex Prælatiſ autem Italis non-  
nisi duodecim unacum Genuensium Ar-  
chiepiſcopo huic formulæ consensu suo  
adſtipulati ſunt. His peractis Imperator  
nomine Concilii, Cardinales, & Nationum  
Deputati Pontifici de ſubmiſſione præſti-  
ta gratias egerunt, omnes autem Deo om-  
nipotenti, intonato Hymno, *Te Deum*  
&c. laudes decantarunt. Postmodum  
Papa publicam, & alteram Synodi Ses-  
ſionem ad ſequentem diem, quæ erat ſe-  
cunda Martii indixit. Ingens erat in  
illa congregatorum frequentia. Re di-  
vina ab ipſo Pontifice ſolemniter peracta  
aliisque ſervatis de more ſolemnibus,  
Cardinalis Florentinus ſilentium impe-  
rat, atque elata voce profitetur; Ponti-  
ficem oblatam ceſſionis formulam acce-  
ptaffe. Joannes ante Aram ſedens pu-  
blice

*Spond. ad  
ann. 1415.**n. 5.*

Sæcul. XV. blice & clara voce formulæ a semetipso  
A. C. 1415. scriptæ schedam perlegit: prolatis autem  
 hisce verbis: *Voueo & juro Dea*, e folio  
 surgens, ante Altare in genua procum-  
 bit, manumque pectori admovens enun-  
 tiat: *Hæc spondeo, promitto, voueo, ac ju-  
 ro.* Eoque facto in pedes se erigit, &  
 Cathedram repetens schedæ lectionem  
 prosequitur, qua absoluta Imperator de-  
 posito diademate, flexisque genibus Pon-  
 tificis pedem deosculatus est, idemque  
 fecit nomine Concilii Patriarcha Antio-  
 chenus, totumque Concilium omnem  
 opem Pontifici promisit.

## §. CLIII.

*Papa cessionis suæ Bullam expedire  
 recusat.*

*Vander  
 Hardt tom.  
 6. p. 52.*

Cum vero omnia hæc juramenta, quan-  
 tacunque solemnitate firmata esse vi-  
 derentur, facili tamen negotio eludi po-  
 tuissent a Viro, cui ob animum subdolum  
 ac varium ferme nunquam certa fides  
 habenda erat, ideo Patres a Joanne pe-  
 tebant, ut cessionis factæ Bullam juxta  
 consuetam formam ederet. Hoc petito  
 Joannes auctoritati suæ injuriam irroga-  
 ri ratus, omnino acquiescere renuit. Ita-  
 que Concilium, cum Joannem ob Cæsa-  
 reæ dignitatis reverentiam facilius Synodi  
 precibus